



Ta mamawi nikanohtiya:

Ta kihtom kitapahcikateek
tanisi Canada e wimamskota
tay si nahasta Atomic fuel
mitoni kinwas kici

Michif - Apihtow Kosan Pikswewin



nwmo

NUCLEAR WASTE
MANAGEMENT
ORGANIZATION

SOCIÉTÉ DE GESTION
DES DÉCHETS
NUCLÉAIRES



Ewehkomkawiyeek awasimi ta kiskitameek

June 2007 la Govrema du Canada kaki nawasonahkwow tanisi e'wimamskota tay si nahasta Atomic fuel mitoni kinwas kici. Yakoma Adaptive Phased Management ka sihkateek, kawi osihtacik e misak askiwin ekota sasay e wihtamowicik ekwa e tipakimoot otinow. Kiscokimawak sasay e wiyesowatacik Atomic Kaponapata Okimana to macihtacik oma, ekwa yakoma miscit aski kawinohcitamaka ta nawasonikateek otinow sasay e nistoahkwow mena e tipakimocik.

Ewi atoskatahkwow ta osihta atami le roche asowacikan ta miyo kanawihcikateek pahkan kipahikateek Canada osci kaponapata atomic fuel.

Mina piskwaci million dolair tay spayin kawi osihtacik enisowikamik mamahtowini, misowi aski ekwa otinawa ta ayamihciki. Misowi osci kitaskinow mena akamaski enisowin, ekwa awasimi peyak li mille atoskiwina waskow, ekwa awasimi les cent atoskiwina ikota kiscowak otina kawi asteek mehscat askey kitsi.

NWMO etowina okook kici aysinowak, mamowapowak mena otinawa awasimi ta kiskihtaahkwow tanisi Canada e wi atoskata kakispata atomic fuel, kikway etota NWMO, ekwa tanisi oma kawi nawasonikateek otinow kanisitota mina e tipakimoot. Otinow kakawata awasimi takiskinahama mowi katacs mowistas ta wicihowicik nawasonahkwawi taniti ta steek.

Ta mamawi nikanohitiya: Ta kihtom kitapahcicateek tanisi Canada e wimamskota tay si nahasta Atomic fuel mitoni kinwas kici

Awasimi kikway nohti kiskihtameni, pikskwata:

Jamie Robinson
Pikswiwini okimaw

Nuclear Waste Management Organization
22 St. Clair Avenue East, 6th Floor
Toronto, ON M4T 2S3
Canada

Tel: 647.259.3012
Fax: 647.259.3692
Email: learnmore@nwmo.ca
Website: www.nwmo.ca/sitingprocess



»» Kikway anima Atomic Fuel?

Awasi mi dix askey les Canadien kepi apacihtowak wasaskotipayo atomic fuel lepwal osci ekoti Ontario, Quebec ekwa New Brunswick. Awasi mi deux les million osihtawak kaponapata fuel le paka.

Mayo kawayawipitahkwow kaponapata atomic fuel, ekosi ponapatan, kwayes la radiatio ekwa poko kwayes takanowehcicateek. Ata ati miscipayo la radiatio askawi, maci kekway atoskimakan, ekwa yako kaponapata fuel ta kostahtikwan awasi mi cent li mill askey. Ikwosi kaponapata fuel poko kwayes tanahasta kakwatiki kinwas kici.


Canada osci kaponapata atomic fuel kwayes nahastawak maka aciyo poko lal sanse meyowak atomic lapwal askiya ekoti Ontario, Quebec ekwa New Brunswick ekota ka wasaskotipicikicik, ekwa mena ikoti Atomic Energy of Canada Ltd atomic kandowahtwa askisa ikoti Manitoba mina Chalk River La maizon ekoti Ontario.

Tasko kotakak askiya kayacik atomic wasaskotipayo, Canada atinikan ya toskatahkwow. Les Canadien ki twiwak poko paspewin mena kwayes takanawihcicateek kaponapata atomic fuel anos mina atinikan, ekwa keyano poko ta toskatama kawyes mina kinwas kici. Ta kiscinaho kinwas kici, paspewini, ekwa kwayes takanawihcicateek kaponapata atomic fuel, aysinowak tamanacihescik asci askey yako keyano yawis pakamskakono.



Kaponapata fuel le paka Canada osci CANDU atomic la pwal nanto piyak menapihto misit kinwawa ekwa neyananomitano kosikwana.

Ta mamawi nikanohitiya: Ta kihtom kitapahcikateek tanisi Canada e wimamskota tay si nahasta Atomic fuel mitoni kinwas kici



Kaponapata atomic fuel asowatew e'pasteek asowacikana ikoti Ontario Wasakotipicikanowi kamik Western Waste Management Facility.

Canada osci Oweyasowewin

Ikospi June 14, 2007 les Govrima du Canada kaki nawasonahkwow Adaptive Phased Management, Canada ta weyasowata tanisi aysinowak mena askey taysi manacihta mitoni kinwas kici takanowihcikateek atomic fuel kaponapata.

Adaptive Phased Management osci kaskihono, keyano tatoskatama kwayes mena mamawini, tanisi oma taki paspihtaya mena kwayes tanahasta Canada osci atomic fuel ati nikan.

Kisi tasowiwak poko atomic fuel kwayes tanahasta, tapahkan asteek atami leroche asowacikani ekwa poko le roche tamiyosit. Make poko kwayes tapacihta ayamiscikewin ekwa enisowin kapayi, taksnohtahikoya tanisi kawi owiyesowatama. Maka taki miskotasowiwak kespín n'dowitamook.

Tanisi Adaptive Phased Management yatoskimaka:

- » Piyakwao takanowihcikateek, ta pahkanasteek kaponapata atomic fuel pehcayi asowacikan atamaski ekota meyoscik le roche;
- » Takaskiho, poko papiyahtak mena kwayes mamtonicikan weyasowewin, maka taki meskotasowewak mina ati mowistas;
- » Nahipayin mena aysinowak ekwa otinawa ta wicihwicik oma kawi macipayik;
- » Tapakitinikateek e'pahkwak ekota tanahasta aciyo okota waskow asowacikan askey, kespín n'dawitamook;
- » Takiscinaho kinwas takanawiscikateek maka kwayes tapisiskapahcikateek kaponapata fuel;
- » Poko mena takaskihtacik ta otinahkwow kaponapata fuel kiyam kinwas kici kespín poko ta wayawipitahkwow, ahpoo miskamook pitos taysinahasta;
- » Poko mena soniyow takwayatapit takiscinaho kayta nohtipayi soniyaw ayis poko kinwas tanahasta kaponapata atomic fuel;

Ta mamawi nikanohitiya: Ta kihtom kitapahcikateek tanisi Canada e wimamskota tay si nahasta Atomic fuel mitoni kinwas kici

Kwayes les Canadien kepikskwatamook tanisi e'wepakamskakooocik yako oma Adaptive Phased Management. Peyakwon mena ekosi ketotamook Sweden, United Kingdom, Finland ekwa France. Ati nikan kici, Adaptive Phased Management masinahamook tanisi taki meyosik, mena kinwas takanawihscikateek kaponapata atomic fuel, peyakwon tasko kotakak askiya ekwa tanisi e'si paksimocik aysinowak.



Tanisi e' we atoskatahkwow

Yako oma kawi osihta asowacikan, ta misaw, mena tanahytowon ayis poko wahyo atami ta le roche tasteek, ekwa e'nisowikamik anta otinow sasay e'nisitohtahkwow mena tipakemocik.

Yako asowacikan atami ta le roche tastew, mena mehcat leport tastiwa, kwayes osihta kayta mytotakook awiyak, ekwa ta pahkan asteek atomic fuel mitoni kinwas kici. Nantow cenq-cent mistik kawi osihta, maka poko le roche ta miyosit, ekwa mescat leshamp tayhtakoono ikota tasteek kaponapata fuel. (kitapahta lipotra)

Kaponapata atomic fuel, ta asowatawak piscayi e'miyosiki le can ekoti kawasaskotipiciki, taytohtatawak ikoti kawinahasta, ekota kawi kwayes ta wiwikinamook piscayi asowacikan na mowi laroy taki spayin, pescayi. Asowacikana tosci tanihtinamook tal ci troo, ekwa ta nahastawak ta le shamp. Ikoni asowacikana tastawak pihcayi le troo pihcayi ta le roche. Kotowsci, takipahamook kwayes, bentonite laboo tapacihtawak.


Kapayi tando-wapinikewak kaponapata fuel, misowi e'si mekwata atoskatahkwowi. Kapayi mena takaskihtawak ta waywipitahkwow. Le troo ekwa payapahikana tasakaskinahtawak patoos otinow, NWMO ekwa okimawak tihtakwawi, ekota osci kinwas kici tapisiskapahtamook.

Kwayes tanakatohkew Canadian Nuclear Safety Commission (CNSC) mekwats ka awacikateek, ekwa aciyonahastahki kaponapata fuel, kapayi yako astiki asowacikan ikota - nistam kamacihta, osihtaki, pimpayiki esko kipahahkwowi. Kwayes poko weyasowiwina ta pimitsahakwaw, tapaspihtacik meyoawin, paspiwin, ta apihtahikateek kwayes ky ta mytotakocik le canadien asti askey ekwa mena kay ta maci apacihta atomic wasaskotipayo.

E'nesowikamik ayi kici mamahtawini, misowi askey ekwa otinawa ayamihcikewin ta osihtawak ikota kisowak. Papami osci tamamawi atoski kici.

Awasimi le million dollair tamamawi takih tew, ekwa awasimi peyak li mille atoskiwina waskow, ekwa awasimi les cent atoskiwina ikota kiscowak otina kawi asteek mehscat askey kitsi. Kawi macipayihta oma, kinwas ta wiciwakanihtocik otinow asci, ekwa kihcowak waskow mena NWMO tatoskatahkwow miyo witasowin asino otinow kici.

Ta mamawi nikanohiya: Ta kihtom kitapahcicateek tanisi Canada e wimamskota tay si nahasta Atomic fuel mitoni kinwas kici





Tanawasonikateek Askey

Tanisisi kawi miskahkwow kiko otinow sasay inisitohtahkwow mena e'tipakimocik taskeek atami le roche asowacikan mitoni kinwas kici tanahasta kaponapata atomic fuel, ekwa takiscinaho yako askey kawi nawasonikateek kytakostatikwa ekwa kwayes tapihtakahikateek asci yawis kisci mamahtowini, atoskiwin, miyowatisowin wayasowewina tapimitsahakwow.

Nimamtonihtinan kapi kiskinohtahikoyahkwow les Canadien, kwayes mamtonistikan apatan tansi e'sipwapahtahkwow pimatsowin, kekway e'nekan astacik yako oma osci asowacikan. Niwihitamakowinan mena askawi atinsihkacs tatoskikateek asci kapiwiyasowicik takihcinahocik kwayes Canada kici. Mawaci kisci enisowin mena nakacihtawin ota Canada osci mena akamaski.

KIHTOM WAPAHTA – TAPIMITSAHIKATEEK WEYASOWIN

Paspiwin Nakatohkiwak

- » Paspiwin, kipahikatew ekwa nakatohkewak aysinowak ekwa askey nikan astawak.
- » Yawis le regalatio kytastiki tapimitsahamook, ahpo awasimi.
- » Mawaci miyosik enisowin tapatan atoskiwini.

Kawinawasonahkwow otinow asay nisitohtahkwow mena etipakimocik

- » Kiscowak otinow kawiasteek oma, poko tanisisitohtahkwow mena etipakimocik e'nda wihtahkwow.
- » Otinow kawinawasonahkwow poko weyawow otino tatipakimocik wehonowow yestacik.
- » Otinow katipakimoot oma kici mena taki kaskihtow tapakiceet pikwispi mitoni skoyani isko pamoyis e'kesitwicik.

Tanakatohkicik kiscowak otina miyawini

- » Kiscowak otinow ayawak mikosowin takaskihtamasoot oma osci.

Wekomik anikik kawi pakamskaocik

- » Kikway waskow otinawa kamamtonihikocik ahpo kakwehcomowin ayawak mena anikik kiscowak miskana kayacik poko tantohtama.
- » NWMO mina yawis tawihkomew kispin pakamskakwak kotakak le govrema du le provance.

Tatapokihahkwow Nehiyo mikosowin, asotamakana ekwa askey kapaksimo

- » Paspiwin, kipahikatew ekwa nakatohkewak aysinowak ekwa askey nikan astawak. Asowacikan askew kawi-asteek tatapokihahkwow Nehiyo mikosowin, asotamakana ekwa kykakisiweyesowi askey kapaksimoot Nehiyo yako mena nakitapahtinan.

Tanisi kawi atoskakhwow - kesisko kitapahta

Papiyahtak atoskiwin tastew, ayi poko otinawa tapimitsahakhwow tanisi esiwapahtakhwow mena kekway n'dawihthakhwow.

Kwaya tapi	NWMO masinahikan ta osihtawak mayo poni pikswatatwawi les provance du govrema, le govrema du Canada, misowi Canada ekwa le provance Nehiyana, le regalatio okimawak tanisi pitakamikisit NWMO.
Nistam	NWMO tamacihtawak tanti asowacikan askey tasteek, ekwa tanaskwimowak kakwicihkimona asci takskihtamohat le Canadien oma katoskatahkhwow ekwa tanisi enawasonakhwow.
Deux	Otinawa nawasonamook kekway tawihthamahcik ekwa taki kakwicimiwak nistan takitapimihcik.
Troix	Anikik otinawa kakawatahkhwow, ta nistam kitapimawak mahti kispin meynosinew otaskiwow.
Quaurte	Anihi otinawa kisowak kastiki ikota kawiyasteek oma, wistawow kwayes tapikswatewak kispin namowi sasay.
Cenq	Otinawa ikoni kanawasonihcik otaskiwow e'miyosik poko takisitasowicik ekwa mena tawihthakhwow tanisi ekwa tawayesowatamook tanisi oma taki simacihta.
Sis	NWMO ekwa otina kamawaci meyonakwa askey takistitwiwak ekota tamacipayihtacik asowacikan.
Set	Weyasowew masinahikan okimawak takitapahtamook kespim e'kostatikwa, maka pahkan, mamawapowin yawis aysinowak asci, ekwa kespim yawis meyonakwan, taki paktihtamook tamacihta.
Vit	Tamaci osihtawak ikwa tapimpayoo atami tawapahtahiwi asowacikan.
Neff	Takishtawak ekwa tapimakotew asowacikan.

Weyasowiwina ekwa tanisi e'wiyati atoskateek askawi, masinahikatew kwayes ekota Tamamawi nekanohiya: Tanisi e'winawasonama askey ekota tasteek Canada osci Atami ta leroche asowacikan kaponapata atomic fuel kici, e'th takon ikota NWMO internet ahpo kakiatitsaheen.



Tapisiskimi Aysino mena Askeywaskow

Pikwitana askey nawasonikatiki ikota tasteek asowacikan poko takaskihtacik kwayes tanahasta pahkan kaponapata atomic fuel mito kinwas kici. Pikwitana askey nawasonikatiki poko kwayes mamahtowini ekwa e'nisowini tatoskateek kaytamytotakoot owiyak anos mena atinikan.

Katimeek leroche asowacikan poko takaskihtamaka takanawihtha mina tapahkan asteek kaponapata atomic fuel poko ta mamseetota tanimatowa kaponapata, aysinow osihtawin osci kipahikan tawaskasteek kaponapata, ekwa kihcowak leroche osci ekota asowacikan kawi asteek.

Asowacikan askey mitoni kwayes takipahtcikatew ayamihcikewini mena mamathowini, nekan apisasiki, askawi atwayawitimi, tohci skoyani kihcowak kawosihta. Oho kawikitapahtakwow soskwats kwayes, ekwa kespini kwayes sinakwan, wayasowew masinahikan okimowak tasapohtatowak.

Ka kawacikateek mawaci le gros roche le formatio asci poko tamiyosit, (le gros roche, kyta sapopaweet, le chemicals, ekwa atoskimaksowin), tawicilikimaka takanawihcikateek mena asowacikani tapasnaha tanisi le regalatio kytastiki osci Canadian Nuclear Safety Commission, mena wayasowew masinahikana osci International Atomic Energy Agency, asci kanakatcihtacik papami askiya kayacik kaponapata atomic fuel.

Ta mamawi nikanohiya: Ta kihtom kitapahcicateek tanisi Canada e wimamskota tay si nahasta Atomic fuel mitoni kinwas kici

Kisci kikwaya takakwicikimo paspiwini osci, ikoni oho:

- » Kwayko ci miyoso la roche ekota kawi-osihta takiscinaho kinwas takanawihcicateek ekwa tapahkan asteek kaponapata atomic fuel kyciki aysino, misowi askey, ekwa waskits katoski kiyam aysino ahpo oscitow askey kawaskawimaka.
- » Kwyes ci sihtapo la roche ekota kawi-osihta asowacikan ekwa poko kinwas kytawaskawimaka askey kiyam ahpo taskipayki askey ahpo maskwami kapimohteet.
- » Tanisi e'sinakwa waskow ikota ta miyo atoski, pimpayiki ekwa mowistas kipahikatiki.
- » Na mots ci aysino tapacihkam, asoni atimowistas tasko kotakak soniyaw le roche kanatonawacik.
- » Takaskihtamakan ci kwayes le roche ta study wi takihcinaho e'miyosit la roche mena kinwas kici.
- » Taki miskamook ahpo ta osihtacik pimohtatawin miskanow ikota kaponapata atomic fuel taki meyo pimohtatacak ikoti osci mekwats kanahasta?



Otinawi Miyopimatisowin

Ata asotamook kytakostatikwa, maka NWMO kihscitwihtamowiwak otinow ekwa waskow kinwas kici miyoyawin, pimatsowin kapayi tatoskatamook mikwats ikota astiki asowacikan.

Oma kawi atoskikateek takitapahtamook miyoyawin, miyopimatisowin mitoni kinwas kici ikota otina mena waskow. Kespini otinow tihktahki wiya kici ahpotikwi oho takitapahtamook:

- » soniyaskawin
- » askey waskow
- » paspiwini ekwa apihtakahoni
- » nehiyo pimatisowin
- » ayamihow pimatisowin
- » kamamawiyat aysino
- » meyo nahipayiwin aysinowak ekwa otinawa kici

Oma kawimacihta kwayes atoskiwin, sonyahkiwin otinow kici, mena waskow asci yawis le provance. Maka kayspiscak ekwa tanihki oma, apohtikwi namowi tatacihkan ikosci poko papiyahtak tapamihta. NWMO ta witasoskimew otinawa, ekwa waskow asci kinwas kici tawitasoskimito ekwa tamiskahkwow tanisi tamiyopimatisici otina.

NWMO tawicihew otina tamiskahkwow tanisi taki miyo wicihi otinow, ekwa tanisi NWMO wisi pamihtat. NWMO tatoskatam otinow asci tamamtonihtahkwow kikwasa:

- » Miyoyawin ekwa kytakostatikwa aysinina mena otina
- » Tapiyakocimateek ekwa waskow askeya
- » Kihtcowak ekwa waskow sonyihkiwin ekwa atoskiwin
- » Otino okimawin ekwa kawiyesowacikateek kekway
- » Otinow kwayes ofpiki, e'miyoya ekwa miyohtwa
- » Tapisikihtahkwow ati askey ky sapak pahkita mena kisowak waskow tamanacihta
- » Tayhtako e'miyosik askey waskow tapacihta osihtaki asowacikan
- » Otinow mekwa kysi tasteek, mamawi pimatsowin, kespim takaskihtamaka tamiyopayik kekway ayis oma asowacikan astiki oscito tapitosipayin pimatsowin
- » E'thtakon ci kekway taysipimohtiho (miskano, Piwapiskomiskano, nipi) asci miskano apacicikana tapimohtata kaponapata fuel ikoti mekwats kasteek, ekwa tapita ota kiscowak asowacikani, ahpo taki osihtawak yako kici
- » NWMO osci soniyaw tapatiso takisihta oma kawicimatacik, ekwa mamawi pimatsowini poko kahkiyokikway ta kwayatasteek, ekwa tasihtoskateek oma atoskiwin

Owina Oma Neyanan

Atomic Kaponapata Okimawi Mamonowin kimacihtacik 2002, Ontario Power Generation Inc. (OPG), Hydro-Quebec ekwa New Brunswick Power Corporation, maka weyasowiwinn Nuclear Fuel Waste Act (NFWA) pimitsahamook ayis poko kwayes takanawihthkwow kinwas kici Canada osci kaponapata atomic fuel.

NWMO atoskihew kamawaci nakacihtacik atoskiwin nanato si, ekwa ikota kikastewa mamawi pimatsowin, miyowihtawin, mamahtowini, aysinowak tantohtacik, soniyana ekwa okimawin. Niwitatoskimananak consultants, kanakacihtacik atoskiwin mena okiskinahamakewak misowi Canada osci mena akamaski, ayis poko takihscinaho oma atoskiwin mawaci e'miyosik tapata.

NWMO Omisisi wisi atoskatam:

Kwayes takanawihcikateek kaponapata atomic fuel, aysinowak tamanacihescik asci askey yako keyano yawis pakamskakono anos mena ati nekan.



NWMO pimicsaham cenq mamitonihcikana:

- » **Meyowihwawin** Neyanan ota namiyopamihananahek aysinowak ekwa mamawipiwino wak, na wihtinan, tapwihwawini, meyokitapimananahk yawis kawinaksawaya.
- » **Nakacihwawin** Mawaci e'nisitcik, inisitohtahkwow, n'dwatwacik mamitonihcikana namasikihananahek ekwa kikway ta kisi wayesowateek.
- » **Mamawi sihtcikiwin** Na wihkoamananahek otinowa awasimi kanohtikiskihwawin, pikwisi isi wapahtahkwawi. Napikswatananahek misakami, kwayes tamamitonihciki ekwa ta meyo pikswatoya.
- » **Makikway takata** Nitipakimonan yawis kikway neyanan kwayes tapamihtaya, kykwanta tamistiniki, ekwa makikway takataya.
- » **Makikway kiyaskowin** Namakikway takiyaski, kayayi atoskatamahki oma, napikswatananahek kapi mena kekway kakisiwayesowatama, ikso tanisitohtamook les Canadien.

Takanohcicateek kaponapata atomic fuel, kinwas nocihtamakan, mamahtowan, ekwa aysinina mena kwayes mamitonihcikan ehtakon miyowaconi tihki. Kwayes kipi atoskatam NWMO tanitohtawan les Canadien ekwa kisci twiwak kapiyi tapikiskwatahkwow misakami oma Canada kanatonahkwow tanahasta kinwas kici oma kaponapata atomic fuel.



Kakwicihkimona

Tanisi Canada e'wimamiskota tay si nahasta Atomic fuel mitoni kinwas kici?

2007 la Govrema du Canada kaki nawasonahkwow Adaptive Phased Management ka sihkateek, tanisi e wimamiskota kytamytotakoot aysino mena askey waskow, ayis ta nahasta Atomic fuel mitoni kinwas kici. Ewi atoskatahkwow ta osihta atami pihtcayi emiyosit la gros roche asowacikan ta miyo kanawihcikateek pahkan Canada osci kaponapata atomic fuel ekota otina sasay inisitohtahkwow mena tipakimocik. Oma katoskikateek kinwas askiya natocihtamakan ayis poko askawi tati wayesowateek, aysinowak tantohtacik, ekwa mawaci e'miyosik e'nesowin tapatan.

Kikway kotaka askeya totamook?

Akamaski winowak pahpitos wistawow mikwats atoskatamook tanisi taysi nahasta kinwas kici kaponapata atomic fuel. Ewi atoskatahkwow ta osihta mihcit leport kipahikan atami le roche asowacikan ta miyo kanawihcikateek pahkan ekwa piyawan tasko Sweden, Finland, France ekwa United Kingdom.

Kiko le maizon kawa osihta?

Oma kawi misak atoskiwin mitoni atami pihcayi misowisit la gros roche, ekwa le shamp tastiwa ekota kici kaponapata atomic fuel, nanto 1500 misit atami askey. Mamawi kikway tayhtako asowacikani waskow, atami asowacikan, waskits le maizon, ekwa e'nesowewkamik tapacihta misowi osci ayamiscikewenowak ota osci mena akamaski.

Tanimahiko askey e'dawihahkwow?

Oma atoskiwin nanto 250 le acres tapacihawak waskits kici le maizon asci kotaka waskahikanisa. Atami asowacikan poko tasteek atami askey, ekwa poko tamiyosit la roche tamiyosit nanto niso mina apihto tipahaskanis asci piyak mina apihtow tipahaskanis (930 le acres) ekwa atimi isi nanto 1500 hundred feet.

Tanisi taysi pihkoho, tapimohtaciki?

Kaponapata atomic fuel ekota kawasaskotipicikamik mikwa kameyo kanawihcikatiki, taytohtatawak ikoti piyakwano piscayi asowacikan atimi piscayi la gros roche. Tanti wi osihtatwawi takiskihakwon tanisi taysi pimohtata, kespimiskano, piwapimiskano ahpo nipi, ahpo yawis tapatano ayis anos ikosi spayin akamaski. Kawipimohtata oma poko kwayes Transport Canada wayesowewina tapitisahahkwow asci Canadian Nuclear Safety Commission okimawini.

Tanisi aysinowak ekwa askey tamanahcawak?

Li Troo miscat le port tastiwa ekwa yako takipaham, tapahkanastat kaponapata atomic fuel. Asowacikan ekwa asowacikanisa ekoni kici kaponapata fuel e'usihtacik mitoni kwayes, mihcit le port asci makikway la roi takispayino. Kotak mena kipahikan kapata kiscowak osci le roche apacihiwak. Make la gros roche kamisowisit mawaci kakihcapatisit katastowapit ikoni kaponapata atomic fuel ekwa waskits askey waskow. Miscit askey tanohcitamakan takiscinahoko yako waskow la gros roche e'miyosit ekwa kytamytotakoot awiyak. Pahkaci asowasoci asowacikani kaponapata atomic fuel ikota ekwa kapayi tanakatohiwak mena taki wayawipitamook fuel.

Tanisi tawayesowacikatew oma atoskiwin?

Oma atoskiwin kwayes poko tapitisahahkwow wayesowew masinahikana, takitapahtakwaw kwayes ekwa takiscinahocik kayta mytotakook aysino mena askey waskow anos mena atin nekan. Wiyawow Canadian Nuclear Safety Commission okimawak takitapahtamook oma ekwa taniti taki astiki asci atimowistas lal sas tamiyiwak pakaci macihawaw. Le Govrema du Canada anihci asci Natural Resources Canada okimana kitapamiwak NWMO ati nanahiko, takiscinahocik pimitisahahkwow wayesowew masinahikan Nuclear Fuel Waste Act.

Tanisisi kawinawasohkwow e'si atoskatahkwow?

Tanisi kawisi nawasonama oma mitoni atami kamisowisit la roche asowacikan, ayi natohtamakewin osci, kapinakacihcaticik oma osci, mawaci e'miyosik ayamowin papimi osci les Canadien, kaki wicipihkskwatahkwow oma kapikswi deaux askey kici. Awasimi une limille kipikskwatamook, omamitonihscikanwow asci NWMO tansi taki pisinakwa, kwayes mena, yawis taki pikiskwatamook kekway kantawihhahkwow. Ekwa NWMO sasay omisi kipiwayatoktam, kipi kiskihhahkwow tanimatowa Asowacikan akey tanatonahkwow ota Canada mena kotaka askeya.

Asay ci NWMO miskamook ati otinawa nawec poko e'meyosinyik askey oma kici atoskiwin?

Mots. NWMO tanatonamook otinaw sasay tanisisihtohtahkwow mena etipakimocik e'nda wihtahkwow oma asowacikan. Namowi nasihkimanan otinaw oma osci asowacikan. Otinawa kakawatahkwow awasimini takiskihhahkwow kekway oma NWMO, Adaptive Phased Management ekwa atami timi ta le roche ayi kici kaponapata atomic fuel wihkomawak tapikskwatacicik NWMO. Otino nistam kakawata taki miskotihtam ekwa taki poniwicihiwew ekota oma kawi nawasonikateek.

NWMO ci sasay ati namots etamook askiya?

Mots. Miscalwayak miyosin atamaski leroche kici papami Canada taki apisit takanawimi, takipahikateek kaponapata atomic fuel. Kwayes ta n'dowahtwawak waskits mena atami talaroche mitoni takiscinahocik tapwe miyosin oma kici. Oho papami kawin'dowapiniki otinawa poko wiyawow nikan tawihkomikoyahkwow e'dawihhahkwow oma asowacikan.

Kikway anih otinaw takaskihtamasoot, mena waskow oma osci kawi kanawihhahkwow asowacikan?

Kawi macipayihhahkwow oma, kinwas ta wiciwakanihtocik otinow asci, ekwa kihcawak waskow mena NWMO. Kihci mena kekway, tapamihcicateek isi tamiyowato kinwas kici. Oma osci atoskiwin awasimi peyak li mille atoskiwina waskow, ekwa awasimi les cent atoskiwina ikota kiscowak otina kawi asteek mehscat askey kitsi.

Owina tatipaham oma asowacikan ta osihta?

Nuclear Fuel Waste Act tastew kamamskota, osihta, asci macipayiki anikik katipihhahkwow kaponapata atomic fuel ota Canada tatipahhahkwow: Ontario Power Generation, NB Power, Hydro-Quebec and Atomic Energy of Canada Limited. Weyasewin tastew oho le comapny poko pahkan tahi soniyow Trust fund kici ekwa tahtoski tahiwak tapacihi oma kici atoskiwin. Weyasowin mena tastew NWMO tayatwow akihtasowin soniyana wistawow tahatcicik Trust fund le company osci tapacihi tahtoski.

Tanisi awasimi naki kiskihhahkwow oma osci Canada kanohti nahastat kinwas kici kaponapata atomic fuel?

NWMO tawinamowiwak anikik awasimi kanohtikiskihhahkwow aysinowak, mamawi-apowinowak, ekwa otinawa oma osci Canada katasokata takisci nahasta kaponapata atomic fuel, kikway NWMO etahkamiksit asci tanisi ewi atoskatahkwow otina kanawasonahkwow sasay inisitohtahkwow asci etipahkimocik tayaciks oma asowacikan. Otinawa kakawatahkwow awasimi takiskihhahkwow oma osci, namowikata tawicihiwicik kawinawasonikateek asowacikan askey.

Awasimi kikway kinohhahkwow oma osci awa pikskwata:

Jamie Robinson, Director, Communications

Nuclear Waste Management Organization
22 St. Clair Avenue East, 6th Floor
Toronto, ON M4T 2S3, Canada
Tel: 647.259.3012 Fax: 647.259.3692
Email: learnmore@nwmw.ca
Website: www.nwmw.ca/sitingprocess

nwmo

NUCLEAR WASTE MANAGEMENT ORGANIZATION SOCIÉTÉ DE GESTION DES DÉCHETS NUCLÉAIRES

www.nwmo.ca/sitingprocess



For more information, please contact:

Jamie Robinson Director, Communications
Tel 647.259.3012 Fax 647.259.3692
Email learnmore@nwmo.ca

Nuclear Waste Management Organization

22 St. Clair Avenue East, Sixth Floor
Toronto, Ontario M4T 2S3 Canada
Tel 416.934.9814 Toll Free 1.866.249.6966
www.nwmo.ca

